



Publicaziuns officialas dils 20-07-2018

Sanaziun dalla Via Reits – Punt Gonda

Gliendisdis, **ils 23-07-2018** vegn cuntinuau cun las lavurs vid la Via Reits – Punt Gonda. Duront il temps da baghegiar resta la via aviarta denton sto vegnir quintau cun impediments.

Duront ils dis che la via vegn catramada ei la via serrada per tut il traffic. Las lavurs da catram succedan

**gliendisdis, ils 30-07-2018 e
gievgia, ils 02-08-2018.**

Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein (tel. 081 943 25 60).

Sumvitg, 20-07-2018

Departament traffic

Cuors per la raccolta da lenna a Sumvitg

Igl uffeci forestal da Sumvitg organisescha ensemen cun igl Uffeci d'uaul e prighels da natira dil Grischun in cuors fundamental per la raccolta da lenna.

Il cuors vegn menaus d'in instructor professional el decuors digl atun 2018 (jamna 39 ni 40) a Sumvitg e cuoza 5 dis. Ils cuosts muntan a ca. frs. 450.- per participont. La participaziun al cuors vegn confirmada a scret cun ina cumpetenzza da scolaziun minimala per luvrer d'uaul. Mintga participont ha da cumparer cun in equipment personal da protecziun irreproschabel.

Per annunzias entochen ils **10 d'uost 2018** ni ulteriur sclariment stat il selvicultur da revier, Flurin Cathomas, bugen a disposiziun (081 920 25 06, 079 681 19 67 ni uffeci.forestal@sumvitg.ch). Il diember da participonts ei limitaues. Las annunzias vegnan risguardadas tenor la successiun d'entrada!

Sanaziun dalla via dall'alp Glivers

Gliendisdis, ils 13-08-2018 vegn entschiet cun las lavurs vid la via dall'alp Glivers. Las lavurs cuozzan entochen la fin dil meins october. Duront quei temps resta la via serrada mintgamai naven da gliendisdis entochen venderdis naven dallas 07.00 entochen las 18.00 uras. Duront la notg, ils dis da firau e la fin d'jamna ei la via aviarta.

Nus engraziein per Vossa capientscha. Ulteriuras informaziuns survegnis Vus directamein dil selvicultur Flurin Cathomas (tel. 079 681 19 67) ni dil menader da construcziun Martin Alig (tel. 079 682 96 24).

Sumvitg, 20-07-2018

Departament forestal

1. d'uost 2018 naven dallas 09:00

Solver da purs a Rabius/Curtins tier famiglia Adelina e Vitus Berther. Bugen spitgein nus Vossas annunzias entochen ils **30 da fenadur 2018**, tel. 081 943 21 67, telefonin 079 295 52 62.

Cordialmein envida

Cuminonza solver da purs Trun/Rabius

Casa sogn Giusep, Cumpadials

Humor 18, **sonda, ils 04-08-2018** allas 14.00-22.00.

In suentermiezdi che fa cuort'uriala cun historias, musica, purschidas culinaricas ed attracziuns per affons. Allas 15.00 se presenta il cabaretist Flurin Caviezel cul program «Kurzschluss» ed allas 19.00 Gardi Hutter cun l'enconuscenta «Die tapfere Hanna». Prezi d'entrada carschi Fr. 40.–/affons Fr. 20.–

Nus selegrein sin Vossa viseta

*Inserat!
Cussadents e collaboraturs Casa sogn
Giusep*